



Cumün da Zernez  
Administraziun  
Urtatsch 147A  
7530 Zernez

T +41 81 851 44 44  
zernez@zernez.ch  
www.zernez.ch



# PUBLICAZIUN UFFICIALA

dals 28 settember 2022

## PRESIDI CUMÜNAL

In l'elecziun a l'urna dals 15 mai 2022 es gnü elet **Domenic Toutsch**. El aintra süls 1. schner 2023 in uffizi. Emil Müller es sorti d'uffizi als 25 mai 2022. Il vicepresident Riet Denoth ha surtut fin la fin da december 2022 as lezchas ed incumbenzas dal presidi cumünal.

La partecipaziun a l'elecziun dal presidi cumünal es statta cun 73% fich ota. La suprastanza cumünala ingrazcha a las votantas ed als votants per la partecipaziun.

Il prüm scrutin da las reelecziuns resp. elecziuns i'ls gremis cumünals dals 25 settember 2022 ha manà a las seguaintas reelecziuns resp. elecziuns.

## SUPRSTANZA CUMÜNALA

**Riet Denoth** e **Simon Rohner** sun gnüts reelets per üna segunda perioda d'uffizi.

**Armando Roner**, **Irma Tognini**, **Duosch Städler** e **Jürg Wirth** sun gnüts elets per üna prüma perioda d'uffizi.

Cun quai es il gremi da la suprastanza cumünala cumplet.

Dal gremi sortan **Seraina Bickel**, **Stefan Bühler**, **Brigitta Enkerli** e **Beat Schärer**.

## CUSSAGL DA SCOULA

**Duri Roner** es gnü reelet per üna segunda perioda d'uffizi.

**Adrian Schorta** (1994) es gnü elet per üna prüma perioda d'uffizi.

Cun quai sun duos posts dal gremi dal cussagl da scoula amo vacants.

Dal gremi sortan **Jolanda Andri** e **Gian Thom**. **Beat Schärer** sorta sco president dal cussagl da scoula causa sortida da la suprastanza cumünala.

**Jürg Wirth** sorta dal gremi sco commember ordinari causa l'elecziun illa suprastanza cumünala.

Pel seguond scrutin es per intant entrada als 12 settember (confermada als 28 settember) la candidatura da **Linard Neuhäusler**.

## CUMISCHIUN SINDICATORIA

**Claudia Duschletta**, **Schimun Grass** e **Giancarlo Neuhäusler** es gnüda resp. sun gnüts reelets per üna segunda perioda d'uffizi.

Cun quai es ün post dal gremi da la cumischiun sindicatoria amo vacant.

Dal gremi sorta **Susanna Denoth**.

Pel seguond scrutin nun es per intant entrada amo ingüna candidatura.



Cumün da Zernez  
Administraziun  
Urtatsch 147A  
7530 Zernez

T +41 81 851 44 44  
zernez@zernez.ch  
www.zernez.ch



Per cumplettar il **cussagl da scoula (2 commembras/commembers)** e la **cumischiun sindicatoria (1 commembra/commember)** vegn manà tras als **27 november 2022** ün seguond scrutin. Candidaturas sun per quist seguond scrutin obligatoricas.

**Las candidaturas ston entrar in scrit pro la chanzlia cumünala fin il plü tard fin e cun ils 23 october 2022.**

La surdatta/surtutta dals dicasteris da las caricas varà lö süls 31 december 2022 resp. 1. schner 2023.

---

**Tenor art. 11 ff da la constituziun cumünala ed art. 21, alinea 2 da la ledscha da votaziuns e d'elecziuns cumünala han da gnir inoltradas candidaturas per ün seguond scrutin oblicatoricamaing e quai in scrit a la chanzlia cumünala (ün e-mail a l'adressa [chanzlia@zernez.ch](mailto:chanzlia@zernez.ch) es sufficiaint).**

l' cas chi aintran ulteriuras candidaturas per quists duos gremis, vegnan talas publicadas il plü tard al prossem di da lavur davo l'entrada aint il sistem digital d'infuormaziun e sün l'internet. Ils noms dals candidats e da candidatas vegnan in quists cas comunicats insembel culla documainta d'elecziun, scha la documainta d'elecziun nun es amo gnüda stampada e tramissa.

**Tenor art. 25a da la ledscha da votaziuns e d'elecziuns cumünala nun ha lö ingüna tscherna als 27 november, i' cas chi nun aintran per l'ün e/o per l'oter gremi almain ün'unica candidatura in scrit.** In quel cas decida la suprastanza cumünala sur dal proceder e fixa ün nouv termin d'elecziun e publichescha tal aint il sistem d'infuormaziun digital ed aint il internet.

## PROGRAM DA RE- E D'ELECZIUNS 2022

---

In vista al fich vast program da reelecziuns e d'elecziuns i'ls trais gremis cumünals, suprastanza cumünala, cumischiun sindicatoria e cussagl da scoula chi sta avant i' 2022 ha la suprastanza cumünala decis suot quistas circunstanzas vuglödamaing da proseguir sco segua cul program manzunà.

### Dumengia, ils 27 november

**seguond scrutin** da las elecziuns i'ls gremis

- . **cussagl da scoula** (*definitiv, causa üna candidatura entrada*)
- . **cumischiun sindicatoria** (*provisoric, causa amo mancanza da candidaturas*)

> per quist seguond scrutin ston entrar fin il plü tard ils **23 october 2022** candidaturas in scrit.

---

La partecipaziun a las re- ed elecziuns dals 25 settember es statta cun raduond 50% sün ün nivel üsità. La suprastanza cumünala ingrazcha a las votantas ed als votants per la partecipaziun.

Ulteriuras dumondas a regard l'andamaint da l'organisaziun da las elecziuns 2022 pon gnir drizzadas al president cumünal, al vicepresident cumünal obain al chanzlist cumünal.

**La suprastanza cumünala supplicha a votantas e votants da's far inavant impissamaints sur da candidaturas i'ls gremis politics ed uschè da muosser interess vi dal svilup da nos cumün.**